

臺諫之言請推問傳曰其即推問且申孫供以為今世之入干涉於內

間則易得爵位安從坦亦涉於內間云從坦不干於內間兩言之若此

者欲使上動念也是意宜詳問於千石與申孫也他事干皆放逐權軫

非自己所犯今速赴任○臺諫啓前事不允○取文科幼學金希聖等

二十六人講經數止此故不滿三十三人○日暈兩珥白氣貫日○太白晝見○丙子

臺諫啓前事不允○日暈○夜軒轅大星入月中○丁丑承旨趙仁奎

以季官意啓曰李南刑訊一次承服崔千石為魁首而李南與申孫密

聽明矣然朝廷臺諫之事非雜類所能言必有指說者千石請加刑傳

曰若殞命杖下則不得明示大法三人今已承服照律定罪可也○臺

諫啓前事不允○承旨趙仁奎以申孫千石申李南照律入啓申孫斬時

籍沒家產崔千石斬符時申李南全家徙邊○夜坤方有氣如火○戊寅御朝講○臺諫

啓前事不允○下書八道觀察使曰孝友節義乃風化之本而為國

之急務苟不嘉尚而旌異之其何以感發激勵為丕變之俗哉勸獎之

方著在今甲許多列郡豈無其人未見有申聞朝廷者卿其廣詢博訪

務要責實如有所行卓異者詳錄啓聞以副予崇孝友節義之意○日

暈○已卯御夕講參贊官尚震臨文曰清明在躬者志氣如神者乃聖